


بیر دار کوچه بیر دیب قاپی

حسین رضا پور

بیر دار کوچه بیر دیب قاپی

حسین رضا پور



حسین رضا پور ۱۳۴۳جی شمس ایلینده ، فروردینین اوچونجو گونو آذربایجانین اهر شهرینده آنادان اولوب، راهنمایی و دبیرستان درس لرین بو شهرده قورتارانندان سوئرا دانشگاهی فارس ادبیاتیندا تبریز شهرینده باشا چاتدی ریب. معلم لیک مسلکین سنجیب و بو مقدس ایشیله ۲۶ ایلدیرکی دوغولدوغو یئرده مشغولدور. شعر یازماغی عمرونون جاوانلیق چاغلاریندان باشلاپ و شعرلرینده «راضی» تخلص ائله ییر. بو حاضیرلانمیش کتاب ایکینجی چاپ اولان اثر دیرکی اونو اؤز دوشونجه لی حیات یولداشینا ایتحاف ائله ییرکی ئوز حیاتی وقت لرینی شاعرین شعرلرینه قربان وئریب.

بیر دار کوچه بیر دیب قاپی
بیر دار کوچه بیر دیب قاپی
بیر دار کوچه بیر دیب قاپی

تانی نین آدیله

ائی یارادان یئر-گؤیو، جوت عالمی
 انسانی، جَنی، پرینی، آدمی
 سن یارادیسان بو گؤیو بی ستون
 کیمدیر کی اولسون بو قدر ذو فنون
 دوز آلتی گونده یارادیب دونیانی
 جمله کوراتی، داغ ایله دریانی
 آدم اوچون خلق ائله ییب حوَّانی
 سانکی یاراتمیشدی او جیسمه جانی
 ایلک دؤنه عائله باغلانماغا
 یئر اوزونده شیطانی داشلانماغا
 وئردی شرف یئرده بنی آدمه
 اوّل خلقتدن او آخیر دمه
 عائله قورماق تانی نین فرمانی
 بلکه توره لده بو گؤزه ل انسانی
 هاممی تبارک دئیہ خلّاقینه
 شوکر ائده هر لحظه ده آلاهیینه
 دوز یولو اوّلادینا او گؤستره
 یاخشی عمل ثبت ائله یه دفتره

اهل-عیالین تربیه سین دوز وئره
 هر ایشه آلاهی او ناظیر گؤره
 عؤمرونو عشقیله باشا چاتدیرا
 هارداکی شیطان یولو واردیر قیرا
 ائوده اگر عشق و صفا اولماسا
 سؤز وئریلیب عهده وفا اولماسا
 تنز اوچولار پایه سی او خانه نین
 یوخ داها فرقی اونلا ویرانه نین
 دونیادا عشق ایله یاشاماق گره ک
 بختیار اولماقلیغی تا اؤیره نک
 عائله ده اولسا معیشت شیرین
 سئومه لی دیر اوندا هامی بیر-بیرین
 یوخسا اؤزون گؤستره جک آیریلیق
 اوندا چیخار دای الیمزدن قیلیق
 بیر-بیریزه حؤرمّت ائدین بیر کلام
 راضی دئیر سیزلره اولسون سلام

عائله

قورد-قوشا، حیوانا، انسانا تانری
هر کسین جینسینه یولداش یارادیب
قارالاری، آغی، قیرمیزی، ساری
بیرینی بیریندن گۆزه ل یارادیب

هر گولون بیر اییی هره بیر نیشان
هر قوردون هر قوشون بیر حیکایه سی
بیر یسی خئیردیر بیر یسی زیان
هره نین بیر درکی بیر درایه سی

کل کائنات کی گۆرورسوز اؤزوز
آلتی گون ایچینده یارادیب تانری
یئر-گۆیو، دریانی، آیی-اولدوزو
بیر کیچیک دستورون بۆیوک آثاری

بو بقا سیرّی نین مینندن بیرى
هله ده بشره آچیلما ییدیر
بۆیوکلو بالالی نارین ایریلی
هئی اؤلوب دیریلیب جهان دولما ییب

انسانین اؤزونده بو اوجا تانری
یارادیب بو بؤیوک دونیا قدری
یئر-گۆی آلتی گونون بؤیوک آثاری
قیرخ گونده یارانیب انسان اثری

الینده یوغوروب قیرخ گون خمیرین
سونرا اؤز روحوندان پیله ییب اونا
سوروشوب آدینی دئییب مین-بیرین
اودور لاپ گۆزه ل خلق دئییلیب اونا

یارادیب آدمه حوّا آنانی
اولین عائله قورولماق اوچون
هاممی جوت، تک گۆره ک تک یارادانی
معیشت علمی وورولماق اوچون

چوخالیب آدمین تۆره مه لری
اونودوب فطرتین اونودوب یولون
گۆروروک میلیون لار عائله لری
تانیمیر ساغینی تانیمیر سولون

ممتاز اولدو انسان بوتون دونیا یا

فطریله ذاتین دانماسا اگر

فطرتین ایتیره ن بنزه ر حیوانا

آلاهیین عشقینده یانماسا اگر

هر ائلین هر ائوین شهرت دوامی

دئمکده ن آلاها دایانماقدادیر

سفیل لیکله سوان سحر آخشامی

هوس ده یانیخیب او، یانماقدادیر

بیر دار کوچہ بیر دیب قاپی

اولمایان تک داریخیرام

بیر شہر دیر بیردہ منم

ہر کس چکیر اؤز قایغیسین

ہر کس قالیب اؤز ہایینا

درد چولقاییب اورہ یممی

قارا داغین دومانى تک

دومان چؤکوب قاش قارالیب

باغچا سولوب باغ سارالیب

بولبولون یثرینی

داہا سار آلیب

اورہ یممین شہریندہ

نہ بیر سیرداش

نہ بیر محرم

نہ دردیمہ واردی مرحم

اورہ ک:

سفرہ اولایلمز

ہر گلہ نین قاباغیندا

ہئچ بیلیمیرہ م

دردلریمی کیمه دئییه م
ایسته بیره م دوداق آچام
قیفیل لانییر دوداقلاریم
بو شهر ده کیمیم واردیر
هئچ بیلیمیره م هارا گنده م
آیاق قابی آیاغیمدا
بوخوولانییر آیاقلاریم
سینیر بوتون بوداقلاریم
یانا دوشور قول قانادیم
آمما نییه:

بیر ائو واردیر
دار کوچه نین دیب قاپیسی...
نه سس واردیر نه ده هارای
قونشوموزون هرده ن بیر یول سسی گلیر
هاچان دؤیدوم قاپیسینی
.....

من..... بو ائوده یاشاییرام
نه سس واردیر نه ده سمیر
بیر جوت یاشیل سئوگی قوشو

هارای وئره ر هارایما
اونلار بیر دار قفسده دیر
من شهرین قفسینده
ایسته بیره م هارای چکم
هارای چکر اونلار منله
بیر شهر دیر بیرده منم
بیر دار کوچه بیر دیب قاپی
اولمایان تک دارخیلام
یوخدور ائوین نورو بو گون
هریان سویوق
هرنه
سوسوب
سس سیزلیگین
سسی گلیر
آیرلمیشام ایسته ییمده ن
آیریلیق بیر فاجعه دیر
اولمایان تک دارخیلام
سن سیزلیگین
زیندانیندا.

اوشاق لیق ائوی

خیالین آتینی

یهرله بیره م

جیلووون چکمه ده ن بوراخیرام من

آیاغیم زامانین اوزه نگي سینده

مقصده چاتماغا داراخیرام من

گؤرنه باش آپاریر خیال مرکبی

آخی خام دیر هله باغلی قالیدیر

کنچمیش زامانلاردی اونون مقصدی

یئرده ن آیاق اوزوب او اوجالیدیر

هئچ نییه باخمادان چاپیرام اونو

بلکه :

اوشاق لیغی آختارام تاپام

اوینیام "آی ننه قوردون" اویونون

قویونو قوردلارین الینده ن قاپام

شهرین اول گون باتان زاویه سینده

سوواقدان سووانمیش بیر ائو گؤروره م

اوتاغین دهلیزین هئره لرینده

آنامین قوینونا من قول هؤروره م

باخیرام من اونون ماوی گۆزونه
میل لره تیکین جوراب توخیور
یاواشجا اوخیور او اؤز اؤزونه
آیریلیق نغمه سین حزین اوخیور

گۆزونون یاشینی گیزله بیر آنجاق
اوخشاییر آغلايیر اؤلن "باجیما"
میل لری بیر بیر بیزله بیر آنجاق
دئیر نه تتر سالدین ده نی ساجیما

دورور بیر قاشیق یاغ قویور چۆره یه
دئیر آل یئه دور گئت اویناماغیوا
اوره ک وئیر دئمک منده اوره یه
دئیر دور گئت "قالیر غملی چاغیوا"

دورورام قاچیرام کوچه باشینا
گۆروره م اویناییر "صابیر - اسماعیل"
دئیر سسین سالیب گۆرنه باشینا
گوزگوده اسماعیل داراق اسماعیل

اودا هئی چیغیریر دلشادی سؤیور
 آمما او واز کئچیر سؤیوشلرینده ن
 نه تئز گلیر کئچیر وفاسیز عؤمور
 اوتانیر دای آدام اؤز ایش لرینده ن

منده قوشولورام اونلارا آنجاق
 یئددی قات توپونان توپ اویناییریق
 آنام تاپشیریب کی گئتمه یم اوزاق
 سؤزنده ن چیخماغی گوناھ سانیریق
 قان ترین ایچینده ائوه قاچیرام
 ساخسی کؤزکچه نی چکیره م باشا
 سوسوزلوغوم یاتیر یئنه آجیرام
 گؤزومو تیکیره م بایدادا آشا

آنم دئیر باخ گؤر: قارداشین گلیر؟
 ایندیجه باجین دا مکتبدن گلر
 گؤروره م اوجا بوی هیکللی امیر
 گلیر تئز قاچیرام. بیرده ن حربه لر

باجیمین باشیندا گوللو چادراسی
اینینده سورمه یی مکتب لباسی
باشیندا گؤرونور آغ دومیلاسی
کوچه نین جئیرانی قیزلارین خاصی

عائله توپلانیر بیر یئره آنجاق
بیرجه کسین یئری بوش گلیر منه
یانارگی یانسادا سویوق دور اوتاق
سئویمده کدرده توش گلیر منه

ابوالفضل قبلعلی علی ابله ولی
آخشاملار گلردی اؤز ائولرینه
قاچاردی اوشاقلار نئجه مزه لی
آغام گلیر! دئییه، سئوینجک، وره
الینی وئره ردی آتا الینه

تیکردیم گؤزومو یوللارا آخشام

شکلی شمایی گلمیر یادیما
تهرانا گنتمیشدیر ایش اوچون آتام
چوخدان دیر گؤرموره م "های وئر هایما"

بیر گون ده گؤردوم کی قارداشیم ایله
کوچه ده ن بیز اوچون بیر قوناق گلیر
قاجدیم ائوه ساری یولداشیم ایله
آی آنا گل بیر باخ! بیر قوناق گلیر
گؤردوم کی گؤزلری گولور آنامین
بیلدیم کی هر کیمدیر چوخ عزیز دیر او
قوناق تک قارشینا چیخدیم آتامین
گؤردوم چوخ آغادیر چوخ تمیزدیر او

باغرینا باسیان اوپدو اوزومو
ماشالله اوغلوم لاپ کیشی اولوبدور
سو سپدی سؤندوردو هیجران کؤزومو
سئوینجک گؤزلریم یاشا دولوبدو
آدیمی مکتبه یازدیلار اول ایل
الیمده ن یاپیشیب یولا سالدیلار

گۆز لریم آچیلدی آچیلدی بو دیل

منه:

دفتر

کتاب

قلم آلدیلار

.

خدا آفرین خاطیره سی

(۱۳۶۴)

آغ دومان دای کند اوستونده ن سورونور
 چیلیق آتلار مخمل چولا بورونور
 ساختا بابا داغ باشیندان گورونور
 ساختا بابا آغ گنیمین گنیدیر
 اوشاقلارا شیرین ناغیل دئیدیر
 قارا بولود گوی سمتینی آلیدیر
 گونده ایشیق سالماسیندان قالیدیر
 قوشلار کؤچون طیلینی چالیدیر
 گوزل بولبول کئفسیز اولوب آغلاما
 یاز گله جک قلبه دومان باغلاما
 سحر تئرده ن اوستدن کنده باخاندا
 مهدیقلی قاتیر چاتار بیر آندا
 اوشاقلاردا بو مکتبه واراندا
 اوشاقلیغیم یادا دوشر آغلارام
 او دؤوراندان بیر دسته گول باغلارام
 اوتوراغیم اولوب جانانلو کندی
 دوکانچیلار باها ساتیرلار قندی
 گاهدان اولور بیر سس بورویور کندی

دئیر بالام مشهد شیرین ات کسب

قره کیشی اونا بیر قیمت کسب

سوت قاتیغا پول وئریسن ساتان یوخ

میرزاممدی سوراخلایب تاپان یوخ

مشکلاتین چکمه گینه قاپان یوخ

معلّم لر اونون ائوین توتارلار

آز اوتوروب اونون داشین آتارلار

ماحمید جانانلونون قویون سوروسو

حسن خانین تکجه واردير حوروسی

فیض الله دا شورالارین بیرسی

برق آلماغا اؤز کندینه چالیشیر

صفی خان دا آجیغیندان آلیشیر

پاییز فصلی کئنده چلتیک دؤیرلر

دؤیوب اونو ایل اوزونو یشیه رلر

اوشاق لاردا (توکلی) دؤیه رلر

پری ننه اونو دیله توتاردی

عوض ده پول وئریب باشین قاتاردی

جانانلونون واردی دبیرستانی

حساب لانیر منطقه نین اوستانی

دئین یورولماسین ییزیم اوستانی

شهر یاردان شعرین شهیدین آلبیدی
 اونون دردین اؤره یینه سالیبدی
 دؤرد ایل ده من جانانلودا قالمیشام
 شو جعیلی ده ن چوخلی یاغ قند آلمیشام
 محبتی اوره ک لره سالمیشام
 هرده ن بیر یول چای یوخاری گئده ردیک
 دار آغزیندان بالیق شکار انده ردیک
 علی گازول نفتی آزاد ساتاردی
 ساری خان دا آرانى تنز قاتاردی
 کند زیغلی دی آدام زیغا باتاردی
 پالتارلاری باتیراردیق یویاردیق
 یویوب اونو چپر اوسته قویاردیق
 عباس درویشی نین آبی نیسانی
 کنده باخیر فروتنین ایوانی
 اوتاراردی قنبر مالی حیوانی
 دالدا اوشاق الدهه توربا طایفاناز
 ناخیر حاققین توپلایاردی آز با آز

جمعه آخشامی بیز ماتورو مینہ ردیک

کوره زنین حامامیندا یئنہ ردیک

حامام ائدیپ توعلیہ دؤنہ ردیک

احمد رضا آغ توسنی ایشله دیب

چوخ لارینا دوز چؤره یی دیشله دیب

حیدر کانلو اوستو گؤزه ل قاغالی

مریض اوردا قالسا یقین سارالی

طوعلی ده ن اولار یاغ قند چای آلی

محرم گیل بیزه تیوق کسردی

قاباغیمدا محبت ده ن آسردی

کاوانادان گندیپ بیز نار آلاردیق

بال آلاندا بیر آز اونو یالاردیق

گاهدا حسین گیل ده قوناق قالاردیق

نه گؤزه ل دیر کی یئیہ سن اله نه

نار سویو ایله اوستو باشین بلہ نه

وینه نین یخچالی سرین بولاغی

چوخ چتین دیر اونون یولو یولاغی

جان درمانی داغلاری نین اولاغی

قلعه دره بؤیو تگه نین یئتیشسین
 دردین ایتسین یارالارین بیتیشسین
 دؤرد داغین آراسی خمارلو کندی
 ایکی دوکانچی وار آدی حسن دیر
 بیر آریق بیر یوغون نه ده ن دیر
 صدقیعلی قویون کسب ساتاردی
 سورسومویو اورتالیغا آتاردی
 توکل ده بیر کاپیشتن گئییه ردی
 اهالی محترمی دئییه ردی
 تریوندان هرده ن بیرین سؤیردی
 دوکاندا اولانلار قهوه ماغازا
 بالام بئواخت اولدو گلین ناماز
 اوشتوبون احمدی چؤره ک ساتاردی
 سحر تئزده ن بیر تای خمیر قاتاردی
 سونرا باشین قویوب بیر آز یاتاردی
 تندیری قیزاردان اوددو دمیردی
 چؤره ک لری بیشمیر چوخو خمیردی
 ممدقلی سهمیه نی پایلاییر

مشهد ایوب قلیان چکیر چایلا بیر

حسین عمی صالحینی هایلا بیر

نگهبانام دئیر گئتدیم جهادا

قوربان اولوم سنده اولان ساوادا

توانادا کیشی لرین باشی دی

خئیرالله دا تعمیرینده ناشی دی

ممدقلی مسافرین داشیدی

یاخشیدی او الله اونو ساخلا سین

اونو گوروم یوز یاشینی حاخلا سین

نجفعالی ماشین یاغین گیزله دیر

پیچ کوشتونو لاپ یالاندان بیزله دیر

مشرینی سویور اونو دیزله دیر

مشهد غلام یامان شوخلوق ائده ردی

شوخلوق لاری حده ن آشیب گنده ردی

خمارلولار زمی اکیب بیچرلر

اوغاشلی لار اوردان گلیب کئچرلر

کابیلی لر اوردان خانیم سئچرلر

چوخ کندلی لر ایندی کؤچوب تهرانا

آزقالیدیر کندلر قالسین وئرانا

جمال کبیر الی سولو جوان دیر
 خوشی گیلین چۆره ک لری یاواندیر
 تاپیلمايان یئر آلمایلا سوغاندی
 دوکانچیلار ییغیب باها ساتارلار
 حلال مالا مین بیر حرام قاتارلار
 بهروزی ده نامه لرین پایلا بیر
 قصاب شیرین هئی جنبی هایلا بیر
 بؤیوک آغا چوخ دانیشیر خایلا بیر
 تجارت بانکى دا کؤچوب تبریزه
 عباس پورلا گله نمیریک اوز اوزه
 کندین آرالغی یامانجا زیغدی
 پالچیق دا اولماسا تزه کدی، قیغدی
 جعفر جوانلاری توکانا ییغدی
 بیلمه دی کی منفعتین یئیه رلر
 سونرا گئدیب اوردا بوردا دئیهرلر
 فرجی ده قشنگ قشنگ شعر دئیر
 عالیشان دا سوت قاتیغی تک یئیر
 تومان کؤینک بعضی خانیم لار گئیر

خمارلونون واردی قشنگ دام داشی

عبدالله دا لطف الله نین قارداشی

محموزاده عکسی باها سالاردی

هرده ن بولود کند اوستونو آلاردی

خئیرانسا دا ائوینده تک قالاردی

اوردا اولوب بیزه قولاق یولداشی

یولداش دئمه اوشاقلارین سیرداشی

قشنگی نین ایتی عزازیل آغدی

تاپیلمايان کنده کره دی یاغدی

هر یثره باخیسان دره دی داغدی

قیشدا بیزی قوچی نفت سیز قویاردی

اسماعیل ده مشتری سین سویاردی

عبدالله نین باشی قشنگ تاس ایدی

عبدی زاده کیشی لرین خاصی ایدی

محی عمی یامانجا واس واسی ایدی

سید خانیم گونده لباس یویاردی

یویوب اونو داش اوستونه قویاردی

احمد قوچی بیزی اوجا بوی بابا

یحیا گیلہ سن ائیلہ بیر توی بابا

سن اونلاری خوشبخت گونه قوی بابا

بیزده گلکک تویوندا بیر شام یئیہ ک

مین دانیشیب، مین ائشیدیپ، مین گۆلہ ک

راضی وئردی اورددا باشا ایللری

سارالماسین هئچ آرازین گوللری

کندلی لرین شیرین شیرین دیللری

بار وئره جکک خاطیره مین باغیندا

اوچوشاجاق اوچ قارداشین داغیندا

قارا داغیم

باخاسان معجم بلدانه

اهر شانینی یازمیش

لوح زرّینده قازمیش:

بو اهر ، راوی محدث وطنی ایمیش

گوّیه رن اوتلار او عالیم بدنی ایمیش

یازدی یئددینجی عصیرده بونو یاقوت حموی اؤز کتاییندا

عرفا مسکنی اولموش او زماندان

بونو تاریخده دئییدی چوخا باشندان دا گئییدی

اوندا محمود تکین ، عارف و سالک اوجالییدی

شیخ لردن باج آلییدی

((شتر الیندن تاج آلییدی))

شیخ شهاب خانقاهین ، پیری ، مرادی

کعبه دیر سانکی بو وادی

شیخ صفی ، شیخ جنید ، زواری اولموش

اردبیل، بغداد ، اگر مروه اولارسا،

اهریم سانکی صفادی

معدن مهر و وفادی

اسماعیل شاه یادا عباس کبیر الهامی سان سن
 قارا داغیم کارا داغیم
 افتخاری جاهی سان سن
 آرزولار درگاهی سان سن

شهر شعباندا سنه شیخ بهایی قوناق اولموش
 اون بیرینجی عصیرین هجرت ایلینده
 شیخ محمود آدی ازبر اولالی اینجه دیلینده،
 اینجه بیر خطّ یازیدی
 قیرمیزی بیر داشین اوستونده قازیدی:
 (من زیارت ائله دیم فائض الانوار مزاری
 اوره یمیم تاپدی قراری، فراقین سؤندو شراری)

اوشتوین دن ده نباتی بئله بیر جمله یازیدی
 اؤز شعرین دیوارین اوستونده قازیدی:
 توپراغین باغ بهشت دیر قارا داغیم
 حوری لر توپراغیوا سجده ائدیب شانوی سؤیلر
 باش آیر قارشیندا گؤیلر

توپراغین بیر آنا تک،

شیخ شهابی باغرینا آلمیش سینه سی اوستونه سالمیش

یئل آسنده او آغاجلار، اون اوچون لای لا چالارلار

مهربان دایه کیمی سایه سالارلار

جنگ اشرایده، مشروطه ده، عثمان، صفوی ده،

شیخ شهاب مقبره سی،

سنگرین اولموش قارا داغیم

ائل لرین ال بیر اولارکن

دوشمن ایله یاریشیدی

ال اله وئرمیش ارسبار ائلی، بایوردی ائلی ایله قاریشیدی

قول بویونلار ساریشیدی

قانلی گؤل، قانلارا خاطیر گؤزه لیم ((قانلی گؤل)) اولموش

آخی دوشمن قانی اوردا تۆکۆلرکن، دیزه جن قانیله دولموش

سنه بیر افتخار اولموش.

ایرانین بارماغینا سانکی اوزو کدور قاراداغیم

اوزو کون قیمتی قاشدا

هر تاجین قیمتی باشدا

شیخ حسین برقی ده بیر قاش سایلیر بؤیله اوزو کده
 حق گۆره ن گۆزلوگو گۆزده
 وصف ائده نمز اوانو ، سۆزده
 آلاهیین جلوه سی اوزده
 خفقان ایللری سولغون گنجه لرده،
 شیخ حسینیم سنین اوسته کۆز اولوبدور
 حق گۆره ن بیر گۆز اولوبدور حق دئییب حق سۆز اولوبدور

سنی دؤرد یاندان آلیب ذیروه سی قارلی اوجا داغلار
 بزه یب سانکی گۆزه ل سفره کیمی ، مئیوه لی باغلار
 قاراداغلار کارا داغلار
 بیر طرفده ن سنی آغوشه آلیبدیر ساوالانیم،
 سانکی ایستکلی یاریندیر
 او طرفده ن ده کی شیور
 جوت قولون گۆرنه آچیدیر
 بئله اوغلاندا واریندیر سانکی ایستکلی یاریندیر
 سون گونونده هاواریندیر
 گۆیجه بئل ، بۆزکوش ایله ال - اله وئرمیش قورو یورلار
 قورو یوبلار سنی دوشمن لر الیندن

قورویارلار یئنه بوندان بئله ده آی قارا داغیم

اوجالیب گۆر هارا داغیم

گول آچیب مئیوه لی باغیم

یای چیخاندا بورونر آغ دومانا ذیروه لی داغلار

ساری قیرمیز گئینر قهوه ای دون اوندا دا باغلار

غم چؤکر قلبه او چاغلار

قورو یاپراقلار اوخور گۆیده بولودلاردا

قان آغلار

قیش گلر قار یولو باغلار

سارالیب تنز سولور باغلار

گوله بولبول گلیب آغلار

قارا داغلار

کارا داغلار

دسته- دسته قارا کؤینکلی بولودلار،

گۆیجه بئل دن اوجالیرلار

ساوالاندان اوجالان آغ او بولودلاردا اولاردان باج آلیرلار

یغیلیب بیر یئره گۆیده او بولودلار،

آرازین ابرینی اوردان چاغیرارلار

توققوشوب بیر-بیرینه گۆیده

اوجادان باغیرارلار

یئر گۆیو یاغمورایله هئیاغیرارلار

گۆز یاشین تۆک چایا قوی بیر داها لیلله نسین آرازیم

قره سو هم دره یورد دالغالی اولسون

کئچ او آسلاندوزی تۆک قانلی یاشی اول آراز اوسته

دئنه شاعیر گۆزونون قان یاشی دیر قانلی آرازیم

بیر قولاق وئر سؤزونه شانلی آرازیم

گۆز یاشین سنده ن آلا رکن او ارسباریم اولوبدور

اوره یی کؤزلو او تایدان گئری قالمیش بئله غمخواری اولوبدور

روس انی بیزده آلاندان بئله غمخواریم اولوبدور

آمما غم چکمه یئتیش گنجه باکی دادینا بیر گون

باخ گیلان کلبحره باخ شوشایا قانه باتیبیلار

باخ لاچین باخ خوجالی چوخ داغیلیلار

نه اولار تانری!

نئجه سن باکینی روسدان آیردین

قورو بو ملّتی بونلاردی مسلمان

آخی اونلار داها او کفری آتیلار
دئیر هر شئی یئتیشر اصلینه بیر گون
یتر اونلاردا یقین وصلینه بیر گون

او شکسته هاواسین دینله بیره م من قارا داغین
سبز لاییر ساز هاواسیندا

ارمنی لر داواسیندا

سسله بیر آیری دوشن قارداشین ایندی قاراباغیم
او سکوت ایله دئیر دادیمه یئت آی قاراداغیم
سینم اولموش یارا داغیم

بیر زمان روس کمونیست آیری یاشا تمیش سنی منده ن
ایندی ده ارمنی لر آیری سالیر قارداشی منده ن
اومورام گونده دوعا منده کی سنده ن

ائت ودعا قارداشیوا آی قارا داغیم

آخی ، قارداش لاپ او پیس گونده دیره کدیر
قورخولو گونده اوره کدیر

قارا باغ نغمه سینی دینله اوره کده ن قارا داغیم
قارداشیندیر قارا باغیم

توپراغین سانکی قیزیلدير ساری سونبوللری بسلر
 بوغدا لار دا یتیشرکن ، او بیچینجی لری سس لر
 یاتماسین شانلی بو سس لر
 اودلو اولسون بو نفس لر
 زمی لر لای لایا یاتمیش، ائله بیل شومشه طلا دیر اوجالاردان
 اولو ثروت اولو نعمت دی قالب دیر قوجالاردان

شیخ شهاب مقبره سی قوشلاریوین مسکنی اولموش
 مرقدی نوريله دولموش
 نذر ائدهر عاشیق اولان لار ،
 او گؤیرچین لره بوغدا
 قبری اوسته گتیررلر
 قوشلارا دَن یتیررلر

اوجا گولدهسته لری، باشلارینی عرشه وورارلار
 نه جالالتله متانتله دورارلار
 شیخ شهاب مقبره سینده اولان او نقشه لی داشلار
 او یازیلیمیش قاپی باشلار
 او گؤیرچین لر او قوشلار

هره سی بیر دیل ایله تاریخیوی شانیوی سؤیلر

باش آیر قارشوا گؤیلر

میرزعلی کهریزی نین گۆز یاشی چوخدان قورویوبدور

او بتون لار تۆکولنده ن

او اتم عصری گلنده ن

قارا فرشلر چکیلنده ن

میرزعلی کهریزی نین دؤوره بری توم آغاچ ایدی

یارپوزون دسته لری بیر قوجاق ایدی

قیز گلین پالتاری کهریزده یوواردی

دشین اوستونده قویاردی

بعضی قانقال درین اورداسویاردی

بعضی لر چایدا قویاردی

کیمسه ایچمکله دویاردی؟؟؟؟

قوجالیب ایندی چلپ وئردی بولاغیم

حق دئیر اینجه دوداغیم

دینله بیر حقّی قولاغیم

اوطراوت او سخاوت

او محبّت لی آدام لار هارا گئتدی؟

او سؤیود لر کی بولاقدان سو ایچردی
 آتلیلار کی گلیب اورداندا کئچردی؟
 هارا گئتدی قارا داغیم؟ هارا گئتدی، هارا داغیم؟
 هامی اینصافلی مروّتلی یاشاردی
 عشق اوره کلرده داشاردی دالغالی اینجه دیز تک
 عدل و اینصاف سینہ لردن ده جوشاردی
 چئشمه لر ماهنی قوشاردی
 آمما ایتگین اولوب ایندی
 او آغاجلار سولوب ایندی
 سینہ غمدہ ن دولوب ایندی قارا داغیم
 گئتدی بولبول هارا داغیم؟
 دردیمہ ائت چارا داغیم، قارا داغیم کارا داغیم
 بیر نفر شہریدہ اؤلسہ یدی اگر لاپ اوجورومدا
 ائل بوتون یاسہ گلردی
 گؤز یاشین لاپ او صداقتلہ آلردی
 آمما ایندی بیر ی اؤلسہ، قونشودا یاسینہ گلیمیر
 هئچ اونون دردینی بیلمیر
 بس نئجه اولدو او صداقت؟

هامی پول یاری اولوبدور
عشقیمین باغی سولوبدور قارا داغیم کارا داغیم

یاز گلنده قارا داغیم گئینر سبز قبانی
چَکر آغوشینه ایستکلی چوبانی
قوزولار آغ قارالی داغ دؤشونه اوندا گلر لر
ننجه ایستکلی ملر لر .

چئنمه چای هامیسی جوشماقدا اولارلار
او قاییتیمیش وطنه قوشلارا بیر باخ!

آغاج آچمیش تازا یاپراق

دیریلر او قارا توپراق

او سیغیر چینلارا بیر باخ!

تازا یاپراقلار اؤنونده

گاه بوداقدان توتوشورلار

گاه یازین عشقینه مین ماهنی قوشورلار

یازین عشقیله یاشیرلار قارا داغیم

بویانار عطریلی گوللرله گؤررسن قارا داغیم

لاله لر سبز چمنلرده یانارلار

قارا داغلار بویو تک دردیمی اونلاردا قانارلار
آخی،

من لاله تکین دردیله دونیادا دوغولدوم
اوره ییم لاله کیمی داغدار اولدو قاراداغیم
اوره ک اولموش یارا داغیم.

روحومون قازلاری، آغ دونلو ملکلر سایاغیندا،
قلیمین قانلی گؤلونده سورو نورلر
شعریمین پنجره سینده ن گؤرونورلر
یویونوب خاطیره لر حوله لری ایله بورونورلر
دوشمه سین بلکه ده نامحرم اولان گؤز اونا ساری
سن اؤزون حفظ ائله تانری

او چاین دؤوره بری، گؤر نئجه الوان گئینر یای یاز اولاندا !
شاققانا لاله و ریحانلا دولاندا،
ائله بیل نازلی گلین اؤرپه یینی اوزده ن آچیدیر
عشق اوره کلرده ساجیدی

شاققانا انلیگی، گؤی تپه لرین سبز یاناغیندا چه کنده،

حاصلین باغبان اکنده،
 سانکی بیر نازلی گلین،
 یئددی قلم له بنزه نییدی
 آیناسی چای سویو اولموش اونا باخمیش دوزه نییدی
 گۆر نه الوان بنزه نییدی.

باغلارین سقاسی دی سانکی اهر چایی، گۆزه ل چای
 تانری وئرمیش ییزه بیر پای
 جمعه لر چایدا دوشر های
 گۆروسن خیردا اوشاقلار
 اله بیر چادرا آلیلار
 قویما قاچسین دئییه ره ک!!! آغ بالیغی،
 های-کوی سالیب لار
 گۆروسن آخشاما دک
 چایدا قالیلار

بلکه ده صید ائده لر جیوه یه بنزه ر او بالیقدان
 سن گئچه، کاش باخاسان بیر اوجالیقدان
 او اوشاق عالمینه وارد اولارسان
 تازا بیر گول تک آچیب سونرا سولارسان!!!!

او قیزارمیش گیلای سن آغاج اوستونده گۆرنده
 یئل آغاج زلفلرین شانه له ییب دالدا هؤرنده،
 ائله بیل لعل بدخشانان اولار سیرغا سالیلار
 بیریره فخر ساتار کن اوجالیلار
 بو فیکیرله قوجالیلار
 قیشدا اؤلموش یازیلان بیرده دیرلمیش
 اوجالیلار قارا داغیم
 کارا داغیم

یاشیل اطلس دونونو توت آغاجی باغدا گئینده
 بولبولون سیرینی گول هر گلنه باغدا دئینده،
 اودا رسوا اولوبان هر گنجه گوندوز فغان ائیلر
 دردینی داغلارا سؤیلر
 او یانان قلبی آلوولار، کؤز اولار توسو دیره نمز
 کؤزو بیر شعله اولار باغ و بهاری خزان ائیلر
 او پاییز یئللرین ، اوردا اوزان ائیلر
 غم چکر بولبول او چاغلار
 قورو یاپراقلار اوخور گؤیده بولودلاردا قان آغلار
 غم چؤکر قلبه او چاغلار
 قارا داغلار قارا داغلار

باخیسان داغ داشا، گولله بویانیلار

یوخودان دای اویانیلار

ظولمه قارشی سینه گرمیش،

قیشدا اونلار دایانیلار

ایندی الوان بویانیلار

چیرتلا بیر گونده افق دن ائله بیل شومشه طلا دیر کی پاریلدار

چشمه چای جوشمادادیر

دار دره لرده نه شاریلدار

داش ایچینده نه خاریلدار

شئه قویان سبز چمن لر ائله بیل اینجه زومروددو پاریلدار

گؤیده آغلی قارالی پنبه بولودلار،

سانکی او دیو ایله رستم توتوشورلار

گاه قاچان لار کیمی،

هرده ن قوروشورلار

مهربان دوست کیمی هرده ن قاریشیرلار

گاه کوسوب گاه باریشیرلار

گاهدا بیر خصم کیمی،
 خنجر برّانی قارانلیقدا چکیرلر ووروشورلار
 گۆی گورولدار ایلدیریملاردا خاریلدار
 گۆی یاغار سئل ده شاریلدار
 ساری بولبول دیل آچیب چۆلده چمنده اوخویاندا،
 یادا، تیفتیکله آغاجدا اؤزونه ائو توخویاندا
 گولون اییسی قوخویاندا
 باخاسان چۆل چمنه، حقّی طبیعت ده گۆره رسن
 حقّه عاشق اولوبان عؤمرونو لذّتلی سورهرسن

بُز کوشون یایدا دا باخسان،
 باشی اوسته قاری واردیر
 سانکی وصفینده چالیشمیش،
 دیلی اوسته باری واردیر
 گون دوشنده قارا داغیم،
 اوتورارلار او آغاجلار بارا داغیم
 یاشا تاریخ بویو جان سن قارا داغیم
 سامبران تپّه لری،
 شرق شمالینده دوزولموش
 ذیروه سی دامنی ایللر بویو طوفانندی کولک دی

قئبلا یا اؤز چؤیۈروب عابده لر تک،
 قونوتا قووزانان او ذیروه لری سانکی بیلک دی
 آلاها راز و نیازین او کولک لرده دئیینه
 سسینه سس وئره رم من قاراداغیم
 سینه م اولموش یارا داغیم

(بارزین) سانکی قیزیل قوش کیمی عرش سخینده اوجالاندی
 او بوتون صحن سخنده،
 هامیلاردان باج آلاندی
 قلمی شیمشک اولوب، هر نه قارانیق سا تالاندی
 قوجا قارتالارلا تای هئی اوجالاندی
 اوجالیب گؤر هارا داغیم
 قایناییر شعر بولاغیم
 دینله بیر حقّی قولاغیم

منفرد شاعری سینه نده بیتیردین
 سؤز لرین عرشه یئتیردین
 سن، وفاسیز دئیل ایدین آی قارا داغیم

نییه (سیّاره) میزین اولدوزون آلدین؟

آناسین چؤلله سالدین

نییه سیننده بیتیردین

نییه توپراقدا ایتیردین؟

قاراداغیم،

او قره قیرمیزی آلما

یئمه لی عطریلی هئیوا، او گۆزه ل دادلی گلابی

باغ لاریندان آزالیبیدی

قاینایان اودلا سماور، کی دام اوستونده سیزیلداردی،

یئرین دای گاز آلییدی

او صفا دای آزالیبیدی قارا داغیم کارا داغیم

راضی نین قلیینی داغلار، قارا، داغلار

کۆنلونون ذیروه لری چیسگینه باتمایش چنه باتمیش

قلمی ائللر او یاتمیش

راضی او غلون دو سنین آی قارا داغیم

او غلون هئچ واخت سنی آتماز

سنی دوشمنلره ساتماز

هرنه یازسا او سنین وصفیوه والله یاراشاندير

داغلارين ال اله وئرمیش،

سارماشیق تک ساریشاندير

ال اله وئرمیش اولار، انسجام ایله سنی سسلر

یاتماسین هئچ بو نفسلر

بو محبت

بو صداقت بئله سسلر

قاراداغیم منی آختار، آرا داغیم.

قارا داغیم

خدا حافظ خان آرازیم

جانیم آراز گؤزوم آراز سنه قوربان اؤزوم آراز

سنسیر نجه دؤزوم آراز سنده ن آیری قالنمارام

سنسیر الهام آلانمارام

بنش ایل سنله خوسونلاشدیم چوخ مطلبه اویغونلاشدیم

هرگون سنه یاخینلاشدیم ایللر بویو آخ آرازیم

دالیمجا بیر باخ آرازیم

دیللر آغلایار داشلار اوچا بیلمز اوگون قوشلار

غم اووچوسوقلبی توشلار دوستلار وداع ائده ن زامان

وداع لاشیب گئده ن زامان

دیل آچمیشام قوجاغیندا قیزیشمیشام اوجاغیندا

چوخ نغمه لر بوجاغیندا اؤیره نمیشم خان آرازیم

جیسمیمده کی جان آرازیم

آیریلمامیش قانا دؤندون بدنیمده جانا دؤندون

هرده ن ده بیر یانا دؤندون اوز دؤندرمه منه آراز

گؤزوم قوربان سنه آراز

ایللر سنه ساری آخدیم ندن اولدو قارا، باختیم

هامیدان چوخ سنه باختیم سنده بیر گل اهریمه

افتخار وئر شهریمه

سرتیبی نین باتماز آیی کتابلاردا یوخدو تایی

خان آرازیم آرپا چایی سارالاری سنه وئردی

خان چوبانا نه چوخ گؤردو

سویونداکی بالیغیندا دالغا وئره ن چالیغیندا

خلق ائله ین خالیقیندا آراز منیم گؤزوم قالدی

دئمه یه چوخ سؤزوم قالدی

آراز سنده ن کنچن قوشلار قان یاشینی ایچن قوشلار

اوره ک سیرین سئچن قوشلار سنده ن خبر گتیره رلر

تاپشیریغو یئتیرلر

دشمن سنی آلان یئرده سینه ن اوسته قالان یئرده

منی درده سالان یئرده درده دوشسون گؤروم اونو

زنجیرلره هؤروم اونو

چوخ متانت وارین سنین قوی اریسین قارین سنین

کؤمک ائتسین تانرین سنین یاخینلاشدیر قارداشلاری

آیری دوشن سیرداشلاری

ممد آراز، بختیارین علی آقا، ظلیم خانین

سلیمانین شهریارین ایفتیخاردیر اؤلکه میزه

دوشمان چؤکر بیرگون دیزه

سحر تئزده ن اوستون چن دیر اولما اودا غصّه دندیر
 گل روحومو تزه لندیر آیری دوشور جان بدنده ن
 آیریلیرام منده سنده ن

گل سؤزومو بیرجه دینله قول بوینوما بیر دویونله
 سال قاباغا هئی چیگینله دنیزلره قات آرازیم
 منله اوردا یات آرازیم

ماوی خزر سنه آنا من بیر یانا سن بیر یانا
 آیریلیغین کؤکو یانا سالیب منی یامان درده
 نئجه قالیم من شهرده

متانت سن باشندان باشا آراز سنی مینلر یاشا
 دووار چکمه گؤزله قاشا باغلی قالیب منیم قاییم
 قوی داییمین قبرین تاپیم

سن تک گؤزوم قانا دؤنسون یازیق قلییم شانا دؤنسون
 آغلایم جان، جانا دؤنسون قبری اوسته من داییمین

غملی بولودلو آییمین

غمه بویون آینمیره م هیجران دونون گئییه نمیره م
 چوخ سؤزوم وار دئییه نمیره م سنسيز گؤزوم آغلار آراز

اٹل عالمی داغلار آراز

چرخى سىنسىن بو فلکین گۆر نه فیرلادیر اله یین
ایشه سالیب اؤز کله یین هیجران گولو بار وئریدی

گئن دونیانی دار وئریدی

سیرین سنین کیمسه ییلمز من بیله رم اؤزگه ییلمز
گۆز یاشیمی اؤزگه سیلمز من آغلایم سن سیلگین

دردلریمی سن بیلگین

چوخ آغاجلار آپاریسان دینمز فریاد قوپاریسان
سن دیزده ن یوخاریسان سویون منی دیری ساخلار

اودور عؤمور یوزی حاخلار

هر گون سنه وئرره م سلام بیر سلام کی دولو کلام
اینان منده واردیر اینام سنی گۆزده ن آتانیام

آیریلیقدان یاتانیام

اهریم ده ارسباردی ساوالانین باشی قاردی
آرازدا اونلارا یاردی سن آنا سان اولار بالا

بولودلارین یاغیش سالا

چوخ یاخشیدی سنله قلام عشقین درسین سنده ن آلام

سن اولماسان سانکی لالام آما قوجا آتا آنام!
 من اونلارا مهربانام
 اؤرده کلی قازلی آرازیم قیزلاری نازلی آرازیم
 عشوه لی یازلی آرازیم بیرده سنی گؤره بیله م!
 قول بوینووا هؤره بیله م
 آراز سن سن گؤزه ل عشقیم سن سن منیم ازل عشقیم
 سینما منده ن دوزه ل عشقیم آیریلیریک گل آغلا یاق
 قیریلماز ایلقار باغلا یاق

منده ن دئنن سلیماننا کاش گله سن بیر ایرانا
 بیر گه چیخاق ساوالانا چیخاق عونعلی داغینا
 شهریارین تبریزینه
 منده ن سونرا داش آرازیم داغ دره ده ن آش آرازیم
 دالیمجا بیر قاش! آرازیم آخی منده بالان آراز
 سؤزومده یوخ یالان آراز
 سن شام اولسان پروانه نم ساقی اولسان مستانه نم
 زنجیر اولسان دیوانه نم خدا حافظ خان آرازیم
 سنه قوربان جان آرازیم
 آدین دوشنده یادیم آراز یتیش سن دادیم

زینت وئرسن آدیما تاریخ بویو آخ آرازیم
 منه ساری باخ آرازیم
 آراز قولاق وئر سؤزومه زیلله گؤزو بیر گؤزومه
 باخ شاعیرینده دؤزومه سنسیر آراز دؤزنمیره م
 سنده ن آیری گزنمیره م
 آراز منه دایاق اولدو آب حیات سایاق اولدو
 تاریخ بویو او یاق اولدو گؤروب قاجار جنایتین
 ایتیرمه یب درایتین
 تاریخ بویو آخاجاق سان دوشمنلری یاخاجاقسان
 اوفوقلره باخاجاقسان سون باخیشی باخ آرازیم
 آز یاندیریپ یاخ آرازیم
 راضی کؤچور اوره ک یانیق ایکی بدن بیرجه جانیق
 سنله آراز بیرجه آنیق آیریلیرام سنده ن آراز
 باغریوا باس منی بیر آز
 آراز
 ۱۳۶۸ اینجی ایلین خرداد آیی

شهریاریم اۇچۇن باياتیلار

عزیزیم شهریارا وورغونام شهریارا
آیریلیق اوخون آتدی کند یارا، شهر، یارا

غم چولقايیب آییمی لیلله ندیریپ چاییمی
شهریاردان آلمیشام شعر صنعت پاییمی

قار یاغدی قار قالاندی داغلاردا قار، قالاندی
شهریاریم اؤلنده ن کهلیگیم قارقالاندی

حیدر بابا داغلی دیر او داغلارین آغلی دیر
شهریارا چاتماغا ال آياغیم باغلی دیر

شهریار آمان آمان بیلمه دی قدرین زامان
دیری ایکن کیم سورمادی یاخشی سان یوخسا یامان

پیس عادت دن بئزارام درد لرینی یازارام

قلم ایله اؤزومه درین قویو قازارام

قارا داغدا داغلی یام شهریارا باغلی یام

حیدر بابا سن اوخشا بلکه بیر آز آغلییام

نطقی باتیب دیارین اؤلدو راضی او یارین

گولمه ییب گولمه یه جک کؤچرگی شهریارین

داغلار باشی دومانندی بو دونیامیز بیر آنندی

شهریارین پاک آدی اولوب راضی نین آنندی

عزیزیم آی اودا من دوشدوم یانار اودا من

شهریارین غمینده من او اولدوم اودا، من

استاد بارزه اتحاف

بارزیم! ائل دایاغیم

یاتماز اویاغیم قاینایان شعر بولاغیم

شیورین سن آته یینده اولان او عطریلی گولسن

آنالار لایلا لاریندا دئیلن سئحریلی گولسن

گاهدا شیور داغی تک،

باشدا کولک گاهدا امیل سن

هر سؤزوم ایچره دلیل سن

جوت قولو شیوره تای قاوزا اوره کدن

سندنه ن آیریلسا، آیاق توتما یا جاق شعر اوشاغی

الیمی قیرما الینده ن سنی تانری

بیزی سن بیرده آیرما یویوره کدن

بیزی توت گؤیلره قالدیر بو بیلک دن

فایدالاندیر گیلا بو آرزو دیلک دن

سؤیله دین:

دینمه سه سو کس بالا خورتان گلیر ایندی

یثره گیردیم باشا چکدیم ایکی یورقان

آمما گوردوم یئنه گلدی بیزه شیطان

گۆردوم هئچ یوخدو هارای زهرا ماماندان

قارالب قلبه دامان قان

یورقان آلتیندا

خیالیمدا دا شیطان ایله خورتان،

شعریمین قافیه سین منده ن آلیرلار

نئيله سین آلی بوش انسان؟

او دورکی قافیه شعریمده تالاندی

اودورکی سؤزلریم هئچ قلبه سیغینماز

آمما سن

اثل دایاغیم باریزیم آی یاتماز اویاغیم

قوخمادین شیطانین او حربه لرینده ن

اونا خاطیرده اوجالدین

اونا خاطیرده سهند و ساوالاندان دا باج آلدین

اوره بین گنج دیر

ظاهیرده قوجالدین

ساجلاریندا آغاران توکلریوین هر بیر بارز

بیر بیره دؤیسن اگر

حبل متینه تای اولارمیش

اوجا داغلار باشی آغ قارلی بوران قیش

سنه احسن سنه آلقیش

قرن رایانه دی بیز قرن اتم دان دا سوو شدوق
 بیر پارا بوچ شئی ایله گۆر نه اویو شدوق
 قایناییب اؤز گه بیر فرهنگیه،
 پیس یترده قوو شدوق
 دین دیلی فولکلوری یادلارا قو شدوق
 یووادان چوخ تنز اوچو شدوق

گونئین کهلگی قاققیلدامادا شعریوی سؤیلر
 مست اولار راضی سؤزنده ن
 ادبیاتین اوجالای
 اود آلا ر شعر کؤزونده ن
 هله ده من بورولورام
 عشق آدلانان بیر کلمه نین،
 هله ده وار، (عین) حرفینده ، بورولورام
 زمی لرین قیراغیندا، داشدان کلک گؤروبسن می؟
 اونون تکی، هی اوچولوب ، قورولورام.
 سامان تکی
 او عینین، بوروغوندا، بیر یئل ایله بورولورام
 اورا- بورا وورولورام

عشق آدلانان بو شهرین، باجاسیندان باخمامیشام
 ننجه دئیم من عاشیقم؟
 ننجه دئیم عشق آدلانان شهره ساری گئدیره م؟
 بو مکتبین درس اوخوماز اوشاغیام
 بو مکتبه ن هئی قاچیرام
 عشق اوستادی باخان زمان
 تنز کتابی وراقلایب
 تنز آچیرام
 عشق آدلانان بیر کتابین،
 هله اوّل صحیفه سین قانانمیرام
 من نیله ییم قانانمیرام
 حقیقتی دانانمیرام.
 مکتب ایچره اوستاد عشقی، شرحه شرحه ائده لی،
 من او سؤزون عییننده ده بورولورام
 داشدان کلک سایاغیام، هئی اوچولوب قورولورام
 یئلکان کیمی بو زاماندا، بوغولوبان اورا- بورا بورولورام
 عشقی دوشونمه یه گره ک، عین تکین بئل بوکوله
 سینه گریب بویون توتان، هاردان عشقی دوشونه جک
 عشقی دوشونمه یه، گره ک،

شین سایاگی،
 قابیرقالار، گۆزه دیه
 عشقی دوشونمه یه گره ک،
 عشقین او قاف حرفی کیمی،
 قاف داغنین ذیروه سینه، چن سایاگی، خئیمه وورا
 اوجالانا اوجالارا
 سیمرخ دان قاناد آلا قانادلانا
 بو شهری اوجا یئردن باخا گۆره
 سونرا اونون کوچه لرین،
 آیاق یالین، باشی آچیق قاپی- قاپی بیر دولانا
 آیاگی نین قابارلاری،
 سیزیم سیزیم سیزیلدا یا
 اوقابارلار،
 سیزیتیدا، بو کلمه نی معنی ائده ر
 من بونلاری گۆرمه میشم
 نئجه دئیم من عاشیقیم؟
 نئجه دئیم عشق نه دیر؟
 بیر دئیر، اوستون هوس.
 بیر دئیر اؤزگه لری چوخ ایسته مک

بیری دئیر پاک نفسی لیک، مؤمن اولماق ، مؤمنه لیک

بیری دئیر.....

راضی آمما من نه دئیم؟ نه دم ووروم؟

دم وورارام، گئنده ن باخان، گولر منه.

دئر من ، عشق آدلانان بیر کلمه نین عینینده کی بورولوسان

کلک تکیں هئی اوچولوب قورولوسان،

سن اوزووی اوزگه لرده ن باش توتسان،

سن کی منلیک زنجیر ایله باغلانیسان،

سن کی گوزه للیک لفظینه بیگانه سن،

سن کی الست امانتین اونودوبسان،

سن کی قویدون آدین راضی،

هئچ کیم سنده ن راضی دئیل،

هئچ عشق دن ائتمه سووال

دینمه گیلہ ن لال اول دی لال!!!!

ایسته بیره م قاتل اولام

ایسته بیره م قاتل اولام
 یئر اوزونده یالان لارین
 بوتون فتنه سالانلارین
 جنسی باها ساتان لارین
 احوالیمی قاتان لارین
 یئرسیز او جان آلان لارین
 قاتل اولوب جانین آلام
 ایسته بیره م قاتل اولام
 باش اوزالدان او اوغلانی
 اؤزون ساتان او اصلانی
 نا حق اولان او فرمانی
 کفره ساتیلیمیش ایمانی
 یالانچی بلی قوربانی
 قاتل اولام جانین آلام
 ایسته بیره م قاتل اولام
 ضابطه سیز رابطه نی
 دوست توتان او هر یئته نی
 نا حق سؤزو اؤیره دنی

محبّت سیز هر دده نی
 عرضه اولان لوت بدنی
 قاتل اولوب جانین آلام
 ایسته بیره م قاتل اولام
 آیری اولان او اللری
 آلچاق اولان عمل لری
 او یالانچی گؤزللری
 او مبتذل غزللری
 باغا گلن خزللری
 قاتل اولوب جانین آلام
 ایسته بیره م قاتل اولام
 خیاباندا یولچولاری
 قتمیر اولان پولچولاری
 ساغچیلاری سولچولاری
 یالان دئییه ن قولچولاری
 دوز ایشلره شولچولاری
 قاتل اولام جانین آلام
 ایسته بیره م قاتل اولام
 بوراخیلان او شارلاری

گول اوستونده ن او خارلاری

دین آپاران او وارلاری

باغا گلن او سارراری

چالینمایان او تارلاری

قاتل اولوب جانین آلام

ایسته بیره م قاتل اولام

بوتون آجی او دیللی

نا مبارک او ایللی

یئر اوزونده سفیل لری

ظلمه قارشی امیل لری

پاپیش تیکن او میللی

قاتل اولام جانین آلام

قاتل اولماق ایسته بیره م

سوتول زمی بیچن لری

یولدان آیری کئچن لری

اوره ک قانون ایچن لری

سئجگی قویوب سئچن لری

غم گتیره ن او چن لری

قاتل اولام جانین آلام

ایسته بیره م قاتل اولام
 درس اوخوماز اوشاق لاری
 گول گتیرمز بوداق لاری
 حق سؤیله مز دوداقلاری
 او پیرتلاشان یوماق لاری
 کؤپو کله نمیش سوواق لاری
 قاتل اولوب جانین آلام
 ایسته بیره م قاتل اولام
 دوققوز اوچون پوتورلری
 ایشله مه ین مودورلری
 بستانداکی چویورلری
 هریتنه یویورلری
 بی ذوق- بی شعورلری
 قاتل اولوب جانین آلام
 ایسته بیره م قاتل اولام
 راضی دن ناراضی لری
 پیس سووشان ماضی لری
 کفر ایشلره راضی لری
 روشوه یثیه ن قاضیلری
 ماحمید سیز ایوازلری
 قاتل اولوب جانین آلام

کۆهنه نین یئرینه تزه گلدی

بیر آچ قولاغین، آچ گۆزونو چیخما اؤزوندن
 مین بیر یالانی من سئچیره م ایندی گۆزوندن
 من آیریلغی سئچمیشم هر کلمه سؤزوندن
 قاش آلتدا گۆزون او گنجه مین بیر سؤزه گلدی

کۆهنه لمیشم آخیر یئریمه دای تزه گلدی
 ایللر بویو توتدوم سنی، هر بیر شئی آتدیم
 ایمانی، دینی، وار یوخومو من سنه ساتدیم
 عشقینه دوروب هم اوتوروب همده کی یاتدیم
 هیجران ووصال ایله او گنجه اوز- اوزه گلدی

کۆهنه لمیشم آخیر یئریمه دای تزه گلدی
 دویدوم من حاییف چوخلو بئواخت حاققی اوره کدن
 دلگرم اونا اولدوم بیچاغی سوخدو کوره کدن
 بئل باغلاما هئچ بیر کیمه دونیاده دئمکدن
 هر آیری جه نین ضربه سی سؤزسوز دوزه گلدی

کۆهنه لمیشم آخیر یئریمه دای تزه گلدی

چوخ مهر و وفانین ثمری بلکه غم ایمیش
 هر بیر وارین آخیرده جهاندا عدم ایمیش

بیر بؤیله مثل وار کی: غنیمت ده دم ایمیش
 چوخ مهر و وفا ائتدیم او آخیر گؤزه گلدی
 کؤهنه لمیشم آخیر یئریمه دای تزه گلدی
 چوخ دانلاماین بیر گون او پشمان اولاجاقدیر
 هر کس نه اکییدیر اونا مهمان اولاجاقدیر
 بیر بوغدا یا توولانمیش او انسان اولاجاقدیر
 راضی قلمین درده گلیدیر سؤزه گلدی
 کؤهنه لمیشم آخیر یئریمه دای تزه گلدی

اثل لر گۆزه لی

کۆنلوم توتولار دوشسم اوزاق شهر اهردن
قوی صحبت آچیم مرکز فرهنگ و هنردن
شعرین بولاغی قایناییر هر کوی و گذردن
روحون قوشونا شعر پریسی گۆرنه سپیر دن

اثل لر گۆزه لی بیر گۆروش ائت شهر اهردن
آخشام چاغی گل شئخ شهابین قبری نین اوسته
گۆر حوری ملک لر دولانیر دسته به دسته
بولبول اوخویوب بلی دئی ر اوردا السته
گل تۆحفه آپار عشق و محبت بو شهردن

اثل لر گۆزه لی بیر گۆروش ائت شهر اهردن
گۆیجه بئل ایله بوز کوشا باخ ال اله وئرمیش
جسمیله او جاندیر ائله بیل محکم هؤرولموش
باشلاری، دومان، چنله فصیل لرده بورونموش
یایدا باخاسان قاراریه ر داغ دره لرده ن

اثل لر گۆزه لی بیر گۆروش ائت شهر اهردن
گۆز یاشلارین آلمیشدی بولودلاریم آرازدان
وئرمیش ال اله گۆیده بولودلار ساوالاندان
یاغدیددی یاغیش اولدو اهر روضه ی رضوان

عؤمرون بویو لذت آپارارسان بو سفردن
 ائل لر گۆزه لی بیر گۆروش ائت شهر اهردن
 باغلاردا، هولو، آلماء، اریک وار گیلہ ناری
 وار یئر یئمیشی بوستانی نین هر جورہ باری
 قویما آسه هجران یئلی تانری بیزه ساری
 بو صدق و صفا اهلینی سن سالما نظردن
 ائل لر گۆزه لی بیر گۆروش ائت شهر اهردن
 فخر ائیلہ یه رم گوجلو او ستارخانیمیز وار
 باشندان باشا عزت کاندیر غیرتین عار
 مینلرجه شهید یوخ سایى آزاده و سردار
 تاریخ ده پاک اولموشدولار آمما و اگر دهن
 ائل لر گۆزه لی بیر گۆروش ائت شهر اهردن
 شیورده باخیرسان نه اوجا سرت قایالار وار
 بوزکوش داغی نین یایدادا باخسان باشی تئی قار
 شهری آرایا گۆر نه آلیبدیر اوجا داغلار
 گۆز یاشی تکین چشمه جوشور کوه و کمردن
 ائل لر گۆزه لی بیر گۆروش ائت شهر اهردن

یای گلہ دہ چای ایچرہ بالیق لاری پاریلدار
 یای یازدا بولودلار قووشوب گۆیدہ گورولدار
 گول گولشیمیزدہ آچیلار گوندہ بیر خروار
 گول عطری ساچار کوچہ و ہر کوی و گذردن
 ائل لر گۆزہ لی بیر گۆروش ائت شہر اہردن
 قیز فخری آدیملی بولاغیندان سو ایچندہ
 ہر درد و بلا محو اولاجاق جاندا بدن دہ
 اوردان دا چیخیب گون چیخانا آزجا گندہ ندہ
 گۆز یاشلاری جاری دی دورو او گۆزہ لردن
 ائل لر گۆزہ لی بیر گۆروش ائت شہر اہردن
 گولگشتہ اگر مثیلین اولا گل قارا داغہ
 گولدن دۆشہ ییب فرش او فرّاش آیاغہ
 گئن گزمہ گۆزہ ل چکمہ اؤزون بیردہ قیراغہ
 سۆز چیخسا اورہ کدن داہا دوشمز او اثردن
 ائل لر گۆزہ لی بیر گۆروش ائت شہر اہردن
 سندہ اوجالیب، راضی، قوجالدی قوجاغیندا
 مین خاطیرہ یاتمیش گۆزلیم ہر بوجاغیندا
 عشق آتشی سؤنمز کۆزو واردیر اوجاغیندا
 راضی سنہ وورغوندو سوروش ہر بیر نفردن
 ائل لر گۆزہ لی بیر گۆروش ائت شہر اہردن

جلالیم

آل گینان سینه نین اوسته او سازی

چال تالانسن غمیم آهیم ملالیم

آی منیم ائل اوبامین افتخاری

آی منیم شوکت و جاهیم جلالیم

چال تالانسن غمیم آهیم ملالیم

سیم قورو تاختا قورو زخمه قورو

کیمدیر آیا یارادیر شوقی شورو

کیم ساچیر کؤنلوم ائوینده او نورو

موسیقی مولکونه شاهیم جلالیم

چال تالانسن غمیم آهیم ملالیم

او شکسته قره باغ نغمه سینی

چال آلیم قارداشیمین خوش سَسینی

سیندیراق ارمنی لر حربه سیینی

آغارار شام سیاهیم جلالیم

چال تالانسن غمیم آهیم ملالیم

چال یانیقلی کرمی منده یانیم

اصلی عشقیله یاتیم من اویانیم

سازی چال منده اؤنونده دایانیم

ساری تئل اولدو صلاحیم جلالیم

چال تالانسین غمیم آھیم ملالیم

لوطف ائله چال منہ بیر نخجوانی

بیر دورالت قلبہ دولان قارہ قانی

یاشاسین تربیت ائتمیش آنانی

ساز اولوب اینجہ سیلاحیم جلالیم

چال تالانسین غمیم آھیم ملالیم

چال گینان لالہ راری گؤل لره آچا

چال مخمسلری بیر دوز یول آچا

واغزال ایله اورہ ییم گؤیدہ اوچا

چال شافاقلاندی پئگاہیم جلالیم

چال تالانسین اورہ گیمده ن ملالیم

راضی یام ہرنہ ہاوا چالماغیوا ائله تاریخ بویو ساغ قالماغیوا

بو جہاندان کامیوی آلماغیوا چال پاک اولسون بو گوناھیم جلالیم

چال تالانسین غمیم آھیم ملالیم

حورمتلی آياز حضرت لرینه بیر سلام

حسرت کتایینی اوخودوم آنجاق

قیشیم چیخدی گلدی یننه آيازیم

بکله بیره م سون کی اثرلرینی

اودور دئدیم ایسته ییمی آی یازیم

آی منیم حورمتلی شاعیر آيازیم

باشدان باشا دوغوو گوردوم سوزونده

گورونمزی من گوروره م گوزونده

دالغالانیر سوزون دنیز اوزونده

سنه قوربان چوخلاریملا هم آزیم

آی منیم حورمتلی شاعیر آيازیم

حسرت یورغونویام قارا داغ تکیین

قارا باغ حسرتی قارا داغ تکیین

ساجلاریم بویانیب قارا داغ تکیین

حیات یوللاریندا قویما آی آزیم

آی منیم حورمتلی شاعیر آيازیم

راضی نین دونیادا یوخدو هئچ زادی

نه منم لیک نه دؤولتی نه آدی

شعری نین عشقی دیر آغزی نین دادی

محبت سئویمه واردی نیازیم

آی منیم حورمتلی شاعیر آيازیم

(ایستکلی دوستوم آياز حیدرنزاد-اٹل اوغلو-نا اتحاد اولونور)

یار

ال سویویوب اگر دؤنسه قارا یار
 آغلار اولار بوتون سنه قارا، یار
 ال آیاغین غم بحرینده قاریار
 کسילה جک اونددا دئمک چارا یار
 ...

گۆرمه یه سن زحمتیوین بارینی
 اودوزاسان دؤولتینی وارینی
 عۆمور گلیب اگر کنچسه یارینی
 آغاراجاق توک باشیندا قارا یار
 ...

اینجیتمه بین یئزنه اوغول گلینی
 بیر گون اولار دیشله یرسن الینی
 تمیز ساخلا گۆزون ایله دیلینی
 گوونمه هئچ دؤولت مالا وارا یار

یاخشی آد دیر آداملیغین نیشانی
 ایتگین اولار دوز یولوندان چاشانی

توت یاخشینی بوراخ گینان یامانی
صداقتی آختار گینان آرا یار

...

لاپ تازادیر ایتمز عشقین ازلی
هر یئمیش دن دادلی دوزلو مزه لی
هر گۆزه ل کی اولماز چوبان گۆزه لی
دئییه سن کی سئل آپاردی سارا یار

...

درد ائویمین قاپ-باجاسی رزه لی
دوز انسانلار گۆزه ل گۆره ر گۆزه لی
پاییزدیر کی توره لده جک خزه لی
موسیقی نین دادی اولماز کارا یار

...

هر بیر گولون بیر اییی وار ازلده ن
هر بیر گۆزه ل شکارچی دیر سپر دن
جفا چکدیم هر بیر گولدن گۆزه لدن
اوز گتیردیم گوه نه یار، خارا یار

...

من یولوندا کئچدیم دؤولت واریمدان

حقیقتی دئیمه دیم عاریمدان

بیر گون اولدو کوسدوم گؤزه ل یاریمدان

هئچ دئمه دی سن گئدیرسن هارا یار

...

هردن گلیب سوووشارام کوچه زدن

هرده ن قالخیب بویلا نارام هئره زدن

گؤیرچینم قارا خالین منه دن

آچ ساجلارین یئل الی ایله دارا یار

....

هر ایش گؤردوم بوتون قالدی یاریدا

یار او دور کی اؤز یارینی یاریدا

ال بوش اولدو گولدورمه دیم یاری دا

حلّ ائيله بیر موشکوللری پارا یار

...

قدّ و قامت نازلی سروین اؤزودور

پاریلدا یان دان اولدوزو گؤزودور

بو شاعیرین ازل آخیر سؤزودور

قوربان اولوم سن ده اولان نارا یار

...

دردیم چو خدور دئییه نمیره م سؤزومو
 باغلامیشام امید آرزو گؤزومو
 اؤزوم وئردیم اینان الدن اؤزومو
 اوز گتیردیم او قفقازی تارا من

...

بولبول اولدوم قوندوم گولدن گوله من
 ماهنی اولدو دوشدوم دیلدن دیله من
 دورولموشدوم یئنه دؤندوم ليله من
 زمان چکدی گولون اوسته دارا یار

...

راضی دئیر بیر قوروموش آغاجام
 هنج بیلیمیره نه اولاجاق سرانجام
 قورخوم بودور قوتولا می قالاجام
 اوتورمایام عؤمور بویو بارا یار

.....

ای انسان

فیرلانیب فیرلانا جاق چرخ زمان

گۆسته ریر یاخشی نه دیر یا کی یامان

بیز اتم عصرینی قویدوق دالی یا

یاتما آج گۆزلرینی بیرده او یان

ایندی اینترنته وصل اولموش هامی

باخ بیر اندیشه لر اولموشدو جوان

گۆزو باغلی یثره دؤیمه باشیوی

بیر ساعات دوز فیکیر ائت دوزلویو قان

یتیمیش ایل سانکی عبادت ائده سن

یخرج منهما لولو مرجان

الده کی نعمته شک ائتمه لی سن

نعمتی الدن آلا ر چون کفران

علم ایله سن عملی قارداش ائله

هر چتین لیک اولاجاقدیر آسان

دونیایا حؤکم سوره ن کیمدی گؤره ن؟

لّتین قلیینه هر کیم سلطان!

زور دئمه دین قیریلار دنیا باتار

عشق سیز انسان اولار نا فرمان

گونه مین دفعه گوزه ل جلوه له نیر

بیزلری توولاماغا او شیطان

ینزغنک من الشیطان اوخی

فاستعید دئنه ای راضی اودور همان

قوربان اولوم گل

اؤپدویوم یاناغی الینله سیلدین
سانکی اوخ باتیردین اوره یه گۆزه ل
کۆنلومو الیمده ن کاش آلمایایدین
کاش منی قوغایدین ای گۆزه ل ،ازه ل

سن گئتدین بولاقدان دورنالار کیمی
گۆلده ن اوچوب گئتدین سونالار کیمی
غم دولدو کۆنلومه قانالار کیمی
وئرانباغ تکین باسییدیر خزه ل

سانیردیم من تکین صداقتلی سن
دوولایا آللاندیم قارین ایچره من
ایندی بیر قفس دیر من اوچون وطن
اوتانما دئی گیلن گل منده ن اوز ، ال

سیندیردین بو سینیق قلبیمی یامان
اوره ک چاتلارینا دولوب قارا قان
ظلمت خانا اولوب من اوچون هریان
سن خوش عمل آدام ، منده بدعمل

یاندیر گینان منی یاخگینان منی
کیپریگین اوخونا تاخگینان منی
آپار سئل سایاغی آخ گینان منی
آمما سانما منی دوشونمز، دغل

دوشونوب قانیرام یاخشینی پیسی
قیزیل عوضینه وئرمه سن میسی
قورو دانیشیغین یوزمین بیر پیسی
هئچ زاددیر آچیلسا ایستی بیر بغل

دئیر هر گول گوردوم تیکانی واردیر
عؤمرومون یاخشی سی یامانی واردیر
راضی نین سئحیر لی بیانی واردیر
گئتمه مندهن اوزاق قوربان اولوم گل

باریشارام من

گۆز لریم دوشنده گولر گۆزلره
 کوسولو اولسامدا باریشارام من
 آلنیدا، قاشیندا گۆرنده دویون
 چیسگینه دومانا قاریشارام من

عشق آدلی بیر چینار گزه رم آنجاق
 گۆزومو عشقینه بزه رم آنجاق
 حؤرمت سیز گۆرنده تزه رم آنجاق
 سارماشیق تک عشقه ساریشارام من

آرا قاریشدیر لان قاریشار بیر گون
 کورکونه بیره لر داریشار بیر گون
 اؤزو ده اؤزویله یاریشار بیر گون
 آرا قاتان لارلا یاریشارام من

گۆزه ل

نه باخیرسان یانیق یانیق
یاندیریرسان منی گۆزه ل
من آلداندىم اوزده خالا
خالین سَپیر دَنى گۆزه ل

سنی بیلدیم اؤزومه یار
عشقین گزدی دامار-دامار
ووصال یولون ائتدیم هامار
سن سئودین اؤزگه نی گۆزه ل

هاچان چیخدین قارشیم سن
تیتره مه یه دوشدو بدن
سن منه قیز منده دَده ن
نئجه سئویم سنی گۆزه ل

آغاریدیر ساچ ساققالیم
قالمایبیدیر منیم حالیم
نه جور گلیم سنی آلیم
گول نئيله بیر چنی گۆزه ل

صنعا تا ی یاندی ایچیم
آیری دینین شالین بیچیم
شراب آلیم شراب ایچیم
سایما ییم دؤوره نی گؤزه ل

خیانت ائتمه رم یارا
وورولسا قلییمه یارا
بدن اولسا پارا پارا
سئومه رم هرزه نی گؤزه ل

راضی دوشوب یانار اودا منده یاندیم یاندی اودا
کیمسه یو خدور یئته دادا یاندر دین میزه نی گؤزه ل

باجی - قارداش

نہ یامان چتیندیر نہ یامان آغیر
 باجی لار قارداش دان آیریلان زمان
 قارا یئلر اسیب کیشنه ییر بولود
 سیزقادران آغلاییب سیزلایار دومان

گونو قارا اولار گئجه سی آغلار
 چکیلر داغ اوسته سینه یه داغلار
 آغلار تک آغلاییب سینه نی داغلار
 گؤزلری قیزارار سانکی گون باتان

سیغینماز اورہی بی توی ماغرلارا
 کسیر امانی کسیر چارا
 بیلمز کی هئچ گندیب کیمه یالوارا
 دونو قارا اولار اورہ ک اولار قان

کندیریمی کسدی بو چرخ فلک
 طاقتم طاق اولدو بو کولدو کورہ ک
 حرام اولدو منہ بیر داها گولمک
 دردی بی بیئر ائشیت گتتمہ بیردایان

گل گیلن اوتوراق بیرده دیز دیزه
 چوخداندیر گل میرسن سن آخی بیزه
 بو کؤنلوم اوخشاییر قارا دنیزه
 گل گیلن دردیمی ائله ییم بیان

قارداشلار باجی یا آتادیر آتا
 باجی دا قارداشا سانکی بیر آنا
 کاش بونلار بیر بیرین دؤشونه قانا
 احساسی دوشونن یوخدو، یوخ قانان

آیریلیق لا اؤلوم چوخ چتین چتین
 باجی قارداشیندان قیرسا اُلفتین
 قارداشلار کسنده اؤز محبتین
 بیر اود قالاناجاق عؤمور بویونجا

قارداشلار باجی یا دایاق دیر دایاق
 دوداغا شفقت او گؤزه ل یاناق
 عؤمور قورتولمامیش گل بونو قاناق
 اجل بدنیمده ن گل آلینجا جان

کۆچنده دورنالار گۆز لریم آغلار
 گۆزومده قاپ قارا قارالار آغلار
 آخشاملار قوللاریم دیزی قوجاقلار
 راضی اوره کئ ائیوی وئراندیر وئران

آی ائلر

بیر دردیم وار قولاق آسین آی ائلر	اوره ییمین باشی یارادیـر یارا
آرپا چایی اولوب گوزومون یاشی	بو سئلده بوغولان سارادیر سارا
اؤزگه دن اینجیمز اینجی اوره ییم	گؤز یاشیندان دورو آرزو دیله ییم
حراما باتماییب حلال چؤره گیم	سَریم درد الینده ن دؤشه جک جارا
اؤزگه ووران یارا دؤزه لر بیر گون	آچیلار خیرتده یه وورولان دویون
همیشه چیسگینه دالما ییدی گون	بولبولو چکیلر گول اوسته دارا
بی وفا قارداشدان عارسیز آدامدان	سکوت وار یاخشی دیر مین بیر کلامدان
ساقی دولدور ایچیم دولدور او جامدان	اوره ییمین قانی قارادیر قارا
یادلار آختاریان آرادى منی	قارداشیم سایمادی سایمادی منی
او یون داراغیلا دارادی منی	بوشلودور غیرته بوشلودور عارا
کمی می کسریمی چالدى باشیما	باخمادی گوزومده او قان یاشیما
سویوق سویو قاتدی ایستی آشیما	شمتات سیز شهر هارادیر هارا؟
وفاسیز قارداشدان او داش یاخشی دیر	راضی بی وفادن سن آرانى قیر
تک لیکنده اوره کدن علی نی چاغیر	آدامسـیز آداما چارادیر چارا

راست گل‌میشیک عجیه بیر زامانا

قارداشلار گۆرموشدوک اوجا داغ کیمی

دئییه ردین بس هم آتا دیر هم آنا

آرییب یایلانیب ایندی یاغ کیمی

دؤنور ایندی یئل دؤننده هایانا

راست گل‌میشیک عجیه بیر زامانا

قیزلارین چوخالیب دیلی دیله یی

گوجله نیب اوغلانین بوینو بیله یی

اونلارا دایانیب آرواد کوره یی

دولانیرلار هر بیر یسی بیر قانا

راست گل‌میشیک عجیه بیر زامانا

دوشمان اولوب قارداش دا قارداشینا

هامی اولوب دای ایندی اؤز باشینا

اوغلان آتیر توك چكه نی قاشینا

هئچ بیلنمیر کیم یئیه کیم قازانا

راست گل‌میشیک عجیه بیر زامان

انسانلیغین دای آدیندان بئزارام

بو کلمه نین یئرینه پول یازارام

احساسیم چوخ آما کاساد بازارام

احساس دیمیر بو زاماندا قیرانا

راست گل‌میشیک عجیه بیر زامانا

هاوار دورمور ایندی هاوار هاوارا

هامی اولوب اؤز اصلینده ن آوارا

قاب قارالار آغدیر آغ لاردا قارا

باهاریمیز نه تتر چؤنوب خزانا

راست گل‌میشیک عجیه بیر زامانا

بیزده ن کؤچوب قالان لارا عار اولار

بو گئن دونیا گله جک ده دار اولار

بولبول دؤنوب باغچالاردا سار اولار

قلیم یانیر اوشاقلارا جاوانا

راست گل‌میشیک عجیه بیر زامانا

لاله کیمی اسن باجی دوداغی

اوچورومدان اوچان گؤرور آباغی

کیم بویویوب بئلنچی بیر بویاغی

بوغدا یو کو چؤنوب بو گون سامانا

راست گل‌میشیک عجیه بیر زامانا

ضامین لری گیرده قویان زاماندير

ضامین اولما هئچ بیر کیمه آماندير

یقین یئرین ایندی آلان گوماندير

گونش باتیب هر یان دالیب دومانانا

راست گل‌میشیک عجیه بیر زامانا

آله نمیشم اوزه چیخیب دی خیریم

چوروموشم بیرجه قالیب پاخیریم

هئچ بیلیمیره م نه اولاجاق آخیریم

کاش بو راضی حقیقتی بیر قانا

راست گل‌میشیک عجیه بیر زامانا

من او یغودان دوران زامان

یاماجلاردا، یاز سایاخی

یایلیم یایلیم یایلیرام

اؤلمه میشم ساغام هله

یازان زامان، منده دیری سایلیرام

ماوی گۆیده چیگین - چیگین، چیگینله شیب،

باخت ائوینه گئده ن زامان

منده دیری سایلیرام یازان زامان

شیمشک چاخیر من بیر یانا سن بیر یانا

گئده ن زامان

من او یغودان آیلیرام

نفسیم ده گلسه هله یئنه اؤلو سایلیرام

گاه گؤرورم، قارتالا تای اوجالانیب

گؤیون، "قیزیل تاباق" باجاسینا یئتیشیره م

بلکه اوردان بیر آلاهی،

گؤیلره ده قاناد آچام

بلکه یالان دیللی لرین

کلک لرین گۆی کاساسین دَله م ، قاجام
 قیزیل باجا قیراغیندا،
 قیزیل اوخلو ، قیزیل گئیەن ،
 عسگرلری من گۆرورەم
 اوخ آتیرلار قانادیم
 من اود توتوب یانان زامان
 من اویغودان آییلیرام
 نفسیم ده گلسه هله یئنه اؤلو ساییلیرام.
 بیر آز کئچیر،
 گۆی کاسانین قیزیل گولو قانا دؤنور
 کۆزه ریر
 اودو سؤنور
 من نه بیلیم بلکه ده او اوتانمادان ، کۆز سایاغی ، قیزاریر او
 بولدولاردان او تور توتوب دالالانیب
 قاش قارالیر اوز دالدایا ووران زامان
 من اویغودان آییلیرام
 نفسیم ده گلسه یئنه سانکی اؤلو ساییلیرام
 بیر آز کئچیر،
 گۆی گونبزین سینه سینه دوشور گۆزوم

اوردان بوردان، قلیمه تای، اونون کؤکسو دَلیک دَلیک دَلیک لَنیر
 من اویغودا دئیلیم بس، گؤی زَمی نین، سونبوللری یئتیشمه ده
 چاناق-چاناق ساری بوغدا
 سَپله نیب گؤی زَمی یه
 زَمی بیچن گؤسترمه بیر منه اؤزون
 آمما اونون ایشیلدا یان اوراغینی،
 گؤی زَمی ده گؤره ن زامان من اویغودان آییلیرام
 نفسیمده گلسه هله یئنه اؤلوساییلیرام

یاز بولودو

یاز بولودو تکین دولارام هرده ن
 بی وفا ائلیمه باخیب آغلارام
 احساسی اولمایان یار و یولداشی
 دالدادا سسله ییب شاخیب آغلارام

قاراللیق گنججه ده شام سایاگی یام
 گنججه نین یاتمازی من اویاگی یام
 وئرانا کؤنلومون تک دایاگی یام
 من اؤزوم اؤزومو یاخیب آغلارام

عؤمرومون باهاری چؤنوب خزان
 شوکور اولسون منه یازی یازانا
 گون دای باتیر آزقالیدیر آذانا
 راضی، جای سایاگی آخیب آغلارام

دوغوم گونۇ

قیرخ یاشیمی یاخشی بیس دن

باشا وئردیم اؤز ائلیمده

هر نه یازدیم دفتریمده

اولدو صحبت سؤز ائلیمده

باغلی اولدوم من اهره

دؤزدوم غصّه یه کده ره

دیر وئره ن یوخ هنره

اولدوم گیزلی کؤز ائلیمده

آجی شیرین هر نه اوتدوم

بو دونیانی من اونوتدوم

محبّتین الین توتدوم

اولدوم باخار گؤز ائلیمده

راضی غریب قارا داغدا

وار کؤنلونده قارا داغدا

یوخلا منی غملى چاغدا

هر غصّه یه دؤز ائلیمده

بایرام یئلی

یئنه اسدی بایرام یئلی داماریمدا دورولدو قان
گنجه گوندوز بیر اولوبدور اؤلن لره گلیب دی جان

عیسا نفسلی بو یازیم دیله گلیر تئللی سازیم
قلم گتیر شعیر یازیم تنز اول گینان دای آز یوبان

جان گتیریر یازین یئلی داغ دره نین سویو سئلی
داغ چاغیریر اوبا ائلی یاشیل گئییب او یان بویان

میچیر جیریر اؤز یاخاسین قار، گونه وئردی آرخاسین
داغ چیخادیر آغ چوخاسین چال باشیمیز اولوب جاوان

باش قالدیریر نوروز گولو بولبول گؤزه تله بیر گولو
قازلار سوراقلا بیر گولو کؤچور سویوق کؤچور بوران

سیزلدا بیر یئنه آری حمد ائله بیر گؤزه ل یاری
اوقیرما یسیدیر ایلقاری بیزه گتیردی شان بالی

اوچوب قونا قونا گلیب

یاشیل باشلی سونا گلیب

ئیین چالیر یئنه چوبان

داغلار یاشیل دونا گلیب

داغ دره دن سئل تک آشیب

بوز بالالار آنالاشیب

دره لرده سوزور دومان

چای چشمه لر آشیب داشیب

چیچک لنیر دای بوداقلار

آل گئیینیر بیزیم داغلار

یاز گلیدیر راضی اویان

ماهنی قوشور او بولاقلار

لپک لی دنیز

دویغو دنیزینه دوشوبدور گؤزوم
لام دوشوب سوسوبدور دینمه بیر تمام
له پک لی دنیزین قایداسی بودور
سوسار بیردن بیره ائيله یر قیام

اوندادیر سندیرار داغیدار آزر
ساحیل قیراغینا سالگینان نظر
قاریش قاریش له پک ساحیلی گزر
پاکلایار لیلیگی ساحیلدن مگر

دنیزین ان گؤزه ل قایداسی بو دور
مرداری تولازلار قولو گلینجه
هنرین انساندا فایداسی بو دور
کدری تولازلار دیلی گلینجه

دنیز اوغروسونون قان تۆکمه ییندن
دنیزلر نه کوسر نه قیتمیرلاشار

هنرمند هنرسیز سۆز دئدیپیندن
هنرین گیزله تمز، نه جوشار داشار

هنره لاغ لاغا آد قویان آدام
هنرین خصمانه کؤتویون کسیر
ائله نچی آداما قوی گله قادام
منلیگین حبسینده اسیر دیر اسیر

راضی نین او سینیق قلبینی دوستوم
سوسوب سندیرما سن کؤک گؤتورمز او
دئی گیلن گول گولن من ده شاد اولوم
بیلیرسن کور توتار دای اؤتورمز او

آیین توتولماسی

مین اوج یوز یئتمیش دن دوققوز اضافه
قیشین ایگیرمینجی گنجه سینده من
اولدوزلاردا آیدین آی اوزو آیدین
باخیردیم گۆی سانکی بیر یاشیل دمن

اولدوزلار آلمیشدیر آیین چئوره سین
چوخ اوشاقلی اولان ائولره بنزه ر
قشنگ قولاق آسان دوبارسان درین
هردن بیر گۆرونر بیر بئله منظر

قهوه ای بیر کورکون آلتیندا گنجه
آی اورتور اؤز گۆزون چوخ یاواش یاواش
توتولور اؤرتوکده چاتیر اوج اوجا
منیم کیمی غم ایله اولور یاناش

میس قابلار چالینیر قیلینیر ناماز
آیین توتولماسین گۆره نلر آنجاق

آمما منیم کۆنلوم توتولسا بیر آن
نه اولدوز دؤوره لر نه ده بیر اوشاق

منیم بیر کۆنلوم وار آی کیمی آیدین
خوسوفو چوخ اولور بیلیمیره م نه دن
سن هاچان اولدوزو دؤورمده سایدین
چوخ خوسوف دور سیخان منی ازلدن

اولدوزون قدرینی بیلمه ین لرین
توپلنار باشینا گوندن گونه هئی
اولدوزو آختاریب دینله ین لرین
توپلنار دردلری چاتار مینه هئی

دئیرلر آختاران تاپاجاق بیر گون
ایلرله قوشولدوم تاپا بیلمه دیم
چۆزله نیب قرقره کور دوشوب دویون
چۆره یی تندیره یاپا بیلمه دیم

ظالیم فلک

مین بیر قاپی آچیق ایدی اوزومه
ظالیم فلک بیره ر- بیره ر باغلادی
موتلو آدام یوخدور دئمک دونیادا
بیر گولنده مین بیر کره آغلادی

زمانه میز بیر مئشه یه بنزه بیر
هر بیر ضعیف گوجلور له باش آیر
مظلوم قانی ظالیم لری بزه بیر
قاققا چکیب ظالیم بوغون یاغلا بیر

الوان گئیر وارلی آدام دولانیر
کاسیب گوزواوندا قالیر، سولانیر
بویون آریخ باش اوستونده بولانیر
قهوه چی لر سانکی قلیان چاغلا بیر

قورخمورام بشرین چوخالماسیندان
قورخمورام عؤمورون دارالماسیندان
قورخورام آغزی نین او چالماسیندان

قورخورام شرارت او جالماسیندان
 قورخورام دونیادا نووه سیلاحدان
 قورخورام مظلومون چکدی آهدان
 قورخورام جامداکی او قان شرابدان
 قورخورام ایکی اوزلو او شیخ معابدان
 قورخورام جان آلان اودلو توفنگده ن
 قورخورام تک لیکد ن بیگانه لیکد ن
 قورخورام دونیانین بمی ذیلینده ن
 قورخورام اوتانام آنا دیلمده ن
 قورخورام قورخودان قورخوم قورخمدان
 قورخورام راضینی امیل آلالدان

آی بالا

آچما یادا اوره ک سیرین
پشمان اولارسان آی بالا
بوگون سنه جان جان دئیہ ن
گزر صاباح یان، آی بالا

آزی یات آزدانیش گیلان
اؤز اودونلا آلیش گیلان
ائل اوبا یا قاریش گیلان
جان دئی ائشیت جان آی بالا

حرام مالدير زهر ایرین
حلال قورو چؤره ک شیرین
چیخارتما یاددان هئچ بیرین
آلدادار شیطان آی بالا

آلما بوشانمیش آروادی
بیلیر آجی شیرین دادی
بو طایفانین لاپ او شادی
ائده ر کؤنلو قان آی بالا

تلہ سیکنک ایش سالار تورا
صبریلہ حالوادیر قورا
دوزون بیلیم دانیش سونرا
کول ائتمہ ایمان آی بالا

سؤز گتیریب سؤز آپاران
اینانماغی گلیب دانان
دئدییمہ اینان اینان
تؤکہ جکدیر قان آی بالا
زمانہ میز چؤنوب یامان
یقین یئرین آلیب گومان
سونا چاتا بئلہ زامان
هئچ اولوب انسان آی بالا

یوللار اولوب هامار- هامار
جوانلار هامیسی بئکار
بئکارلیق اولری ییخار
اولار اورہ ک قان آی بالا

هامی سئویر میز دالی سین
اؤینده کیرمان قالی سین
ساختمانین اوجالی سن
اونا یوخ ایمکان آی بالا

خیردا ایشله باشلاگیان
الریوی یاشلاگیان
شیطانی دؤن داشلاگیان
من سنه قوربان آی بالا

راضی اولما ظولمه دایاق
ویجدانا دئی قالسین اویاق
اؤزوم سنه دئدیم بایاق
اول درده درمان آی بالا

عشقی معنا ائده ر آنا نین گؤزو

تمنا سیز بیر دوست بیر جانی یانان
دئدیین انسانی تانییرام من
اونو تنز قوجالیدیب حاییف کی زامان
قولاق وئرحوسونو سانییرام من

بهشتین یولو وار اؤز قیریشیندا
گؤزلری جنته پنجره اولموش
سانیرسان طوبی دیر او دوروشوندا
صداقت سسینه حنجره اولموش

جانین شیره سیله بؤیودوب منی
گنجه لر یاتمایان اویاق دیر اویاق
مندن گؤز چکمه ییب او گودوب منی
چتین لیکده منه دایاق دیر دایاق

هرجانلی سئویدیر سئوه جک یئنه
حیاتین سئوینجی دوامی دیر او
قوللارین بوینوما هؤره جک یئنه
سئویب سئویلمه یین قوامی دیر او

دئدیم کی بو انسان انسان یوخ ملک
 گۆزه للر گۆزه لی آنام دیر آنام
 بوینومدا حاققی وار گرہ ک دیر گرہ ک
 قوجالان چاغیندا من اونا یانام

آنانی یوخلایب الینی اؤپمک
 اؤولادا عبادت سایلیب آنجاق
 هر گونو دئمیرہ م هر هفته گرہ ک
 آنانین کئفینی بیر خبر آلماق

عشقی معنا ائده ر آنانین گوزو
 صداقت محبت سئویمدیر آنا
 آمما انصاف دئیل سؤزون لاپ دوزو
 آنانی گؤرمه گه اوشاق یوبانا

نه دنیز، نه دالغا، نه آی، نه ده گون
 دئیرہ م هنج اونا تای اولایلمز
 قورخورام آنامی ایتیرہ م بیر گون
 بوندان آغیر آخی وای اولایلمز

آنامین عصمتی آتا غیرتی
 بیر منه قان دیر بیرسی سوموک
 آنامین سودویله آتا مه یی
 بوینومدا بیر آغیر یوک اولوبدو یوک

بو حاققی اونلارا قایتارماق اوچون
 احترام گره ک دیر سئویم گره ک دیر
 کیچیک آلاه دیلار ائولادا بوتون
 باش آیه ک اونلارا گره ک بیر به بیر
 آنانین شانینی اوجالاتماغا
 عطا ائتدی تانری کوشری اوگون
 شماتچی لری اودا آتماغا
 نور لباسی گئییب یئر اوزو بوتون

راضی نین آرزوسو بودور دونیادا
 آنام دئییه: "سند ن راضی یم بالا"
 بیرده قیامت ده یئتیشه دادا
 منی اؤز اودومون الیندن آلا

مین جوانه یار

نه تتر اونودورسان اؤز ایلقارینی
اولمایا دوشوبسن پیس گومانه یار
باخما آغاریدیدر ساچلاریم گؤزه ل
یئنه دیه رم مین جوانه یار

من سنی سئوه لی سئومه دین منی
سوزالتدین کؤنولده یاشیل چمنی
ازیبلر آزرلر کؤنول ازه نی
یئتر توش گله سن مین یامانه یار

باخیم قرقره سی چؤزله نن زامان
پیتلاشیق سالیرسان اونلاری یامان
بو عشوه الیندن داد هارای آمان
گلمیشم الیندن دای امانه یار

آغ آلتین اوستونده قارا ساچلارین
قیزدیریر یامانجا سئوگی بازارین
گؤستر مه عالمه آلیر ویقارین
جوانلار باتارلار قیزیل قانه یار

بیر جوت آغ قوزو وار یاتیب سینه نده
 لاله لی چشمه لی چایلی چمنده
 او قیوریم ساچلارین بنزه ر کمنده
 دئمک اوخشارین وار دیر موغانه یار

بو گئجه گودموشم سحره قدر
 دان چیخیب آز قالیر آچیلار سحر
 گوزوم یولدا قالیب دای ایندی گلر
 قولاقلار بلله نیب دای اذانه یار

راضی یم یوخدو هئچ ناراضی مندن
 گوزلریم آغلاییر منه گولندن
 سئودامیز یایلانیب ائلر بیله ندن
 اوخشادیرلار منی خان چوبانه یار

دوغما وطنده غریب گؤروره م

اؤزومو یامانجا غریب گؤروره م
 بو دوغما وطنده سن اولمایاندا
 اوتوروب قولومو دیزه هؤروره م
 سئیر ائدیره م سن ده سن اولمایاندا

قایدادیر گؤرونر داغلارین باشی
 گؤرونر آته یی یوخوش یاماشی
 هیجربنده داغلارام داغلاری داشی
 ایزیم قالار چنده سن اولمایاندا

قوش کیمی باغلانیب شه پریم منیم
 اولوب گؤزه ل آدین منیم ازبریم
 عشقینه یاشاییر کفتریم منی
 گؤزؤم قالار دن ده سن اولمایاندا

گؤزلریم گون کیمی قیزارار آخشام
 باشیما فیرلانار در دووار او دام
 سن باتان زاماندا سارالمیش آیام
 گون سونا یئتنده سن اولمایاندا

اؤز طایفا ائلیمده غریبیم یامان
 اؤلمه بیر لحظه لر اؤتمه بیر زامان
 آیریلیق الینده ن داد هارای آمان
 سئوینجیم ده سن ده سن اولمایاندا

نه یئمک نه ایچمک نه ائو نه ائشیک
 کؤنلومون گئیمی تام دَلیک- دئشیک
 اویغودان قیراغام گؤزلریم کئشیک
 نه قالیدی منده؟ سن اولمایاندا

گلیردیم من ائوه چوخ سئوه- سئوه
 زیندانا گلیره م من ایندی ائوه
 دوستاغام ایندیهه بیر قارا دئوه
 من ائوه گلنده سن اولمایاندا

راضی یم من سنده ن آی اوجا تانری
 الی بوش ائلمه سن بیزی باری
 سنه اوز چئویردیک تک سنه ساری
 دوشمه لی ییک بنده سن اولمایاندا

بازلیق

بللی دیر هر کیمین عالمده بیر جور بازلیغی وار
 بازلیغین نسبتی نین چوخلوغو وار آزلیغی وار
 بیرى نین ایت پیشیگه دووشانا وار بیستی یه وار
 بیرى نین چرخ موتورا ماشینه وار ایسکی یه وار
 بیرى هر بیر شئینی پولدان اؤتور محو ائله ییر
 هامی چون نوع بشر دیر بیر جوره سهو ائله ییر
 بیرى نین تمبره قدیم شئی لره هر بیر قالیقا
 بیرى نین وار شکارا جئیرانا یا کی بالیغا
 گؤروسن کی بیرى ده عشق تاپیب قوشلارینا
 بیرى ده عشق ائله ییر قوه لی تای توشلارینا
 هر نه بازلیق کی گؤروررسن بشرین فطرتی دیر
 دوغولان گونده ن اونون هم سومویو هم آتی دیر
 چوخلو بازلیق لاری دین باخسان حرام ائتمیش اونو
 چونکو ذلت گتیرر هم ازلی همده سونو
 هم قومار ایله اوشاق ایله خانیم بیرده عراق
 بونو ثابت ائله ییب عقلین اؤزو چوخلو قبابق
 سنی قوش بازلیغین اول عالمنه گل آپاریم
 یاخشی یا پیسلیی له سؤزلریمی تا قوتاریم

نچه جور واردی بو عالمده بیزیم قوش بازییمز
 قوی دئیم فاش اولاجاق قوی گیلا هر جور رازییمز
 بیرى ساخلار لوتونو باز بیرى تهرانى یه دیر
 فیلی قیریمز ساری گؤی باش یا قفه قاری یه دیر
 قفه قویروق قره قویروق ساری کؤینک گؤیه رن
 فیلی کؤینک فیلی قویروق چتی ابلق ابره ن
 نچه جور قوش اولا واردیر او قدر قوش بازییمز
 آمما شدّت لحاظیندان چوخوموز وار آزییمز
 بعضی قوشدان اؤتورو آبرینی دا وئردی بادا
 وئرمز ارزیش قوهوما قونشو تانیش بیرده یادا
 پشه سی دامدا کرؤوشنله قوشی قووزامادا
 قوش وورور گؤیده اوچان بت بوشونان بیرده یادا
 داش آتیر فیشقا چالیر پوتوغونان تشتی دؤیور
 لته جین سؤزلر ایله قوشلاری قوشبازی سؤیور
 قوش دالیجان دولانیر کوچه به کوچه گئجه لر
 بئله قوشبازین الینده ن هامی دای جانہ گلر
 آلا توردان گؤروسن دیرمانیب او دام دووارا
 قونشو بیلیمیر کی الینده ن قاچا هانسی دیارا
 چوخو دویمور گونوزو بازلیق ائدیر دای گئجه لر

بئله قوشبازین الینده ن زهر اولموش مزه لر
 گاه دیده رگین سالیق حیوانلاری شرط وورماغیلان
 قوشلارا مین جوره آزار یئتیریر بو انسان
 گاه توتور قونشو قوشون یوخدو دئیر هئچ خبریم
 نجه فخر ائيله یه جک بونلارا شهر اهریم؟
 انسان هر شئی ده کی افراط ائله دی اولدو حرام
 هر نه یه باغلانسان اولدون اونا بیرجه غلام
 آخی قوش چوخلو گؤزه ل حوری ملک تمثالی دیر
 هاردا وارسا او مکاندان نه بلا قاچمالی دیر
 هر بیر ائوده یاشایا خئیر او ائوه اوز گتیرر
 هر نه نکبت توزو واردیر سا او ائودن ایتیرر
 هر مقدس یئر اولا اوردو یووا باغلایاجاق
 هر زمان سنله گولوب آغلاسان او آغلا یا جاق
 بق بقو لرده خداوندی او تسبیح ائله بیر
 صاحب خانه اوچون خئیر و سلامت دیله بیر
 هاردا مسجد یا امامزاده امام مرقدی وار
 اوردو مسکن توتالی اوردو دئمک لانه سالار
 پس بو پاک حیوانین هر کیم آپارا آبریسینی
 بیلمه سین بیرده گوناھکار داها آبریسینی

هر نه ده واردی گۆزه للیک تانری نین آیه سی دیر
 گۆزه لی سئومک او ایمانیمزین پایه سی دیر
 عرش و فرشین گۆزه لی تانری دی آی گول بیلین
 او یحّب الجمالین آیه سی نین سن دیلی سن
 یاخشی آغ پارچادی راست گلسه پیسه قاره لنر
 ایپه گین یولداشی مخ اولسا بیر گون پاره لنر
 پس قوشون آبریسینی هاردا کی لات وار آپاریب
 راضی نین دا سؤزو پیس یاخشی آخیردا قوتاریب....

یازیغیم گلیر

صداقت اونودان خوش دیله اویان
 حاققی قانمایانا یازیغیم گلیر
 قیزیلدان دون گئییه ن مفرغی آلان
 بئله نسی انسانا یازیغیم گلیر

اوره یی اولوبدور تولکو مکانی
 کؤموردن قارادیر ایچینده قانی
 آلدادار مکانی توولار زامانی
 اونا اینانانا یازیغیم گلیر

ایچی دولو فتنه گؤزه ل جامالی
 آدینی قویوبدور میرزا حاق آلی
 فتنه نین توخومون هر یئره سالی
 حقیقت دانانا یازیغیم گلیر

عملی ایله دیلی بیر اولمایانا
یئل سایاق آسه نه اویان بویانا
باطینی اونودوب اوزه اویانا
دوغرودان زامانا یازیغیم گلیر

گونه سیز ایسلانان پاک اتک لره
بوش یئر یازیلان بوش او چک لره
غربت ائله دوشن یازیق تک لره
آدامسیز قالانا یازیغیم گلیر

اوغول قیز توره دن آتا آنا یا
اونلارا دئیلن شیرین جانا یا
او ائوده دؤنه‌نده کدر خانا یا
او ائوده قالانا یازیغیم گلیر

حق سؤزو قانیبان دینمه ین لره
ائلین قایغیسیندان اینجین لره
هله ده اؤزونه گلمه ین لره
کثریه قالانا یازیغیم گلیر

اؤینده ن هر شئی ساتیب سوانا
مسکن بانکاسینا پولون قویانا
آوارا دولانان اویان بویانا
مسکن سیز قالانا یازیغیم گلیر

قوجامان چاغیندا مسکن آلانا
راضی تک یوبانیب گئری قالانا
هر یئرده بئله نسی مودو سالانا
چؤره یی یاوانا یازیغیم گلیر

This document was created with Win2PDF available at <http://www.daneprairie.com>.
The unregistered version of Win2PDF is for evaluation or non-commercial use only.